

欽定四庫全書

子部

類經圖翼卷七



北京中医药大学图书馆版权所有

詳校官太醫院醫官臣姜晟

編修臣倉聖脈覆勘

欽定四庫全書

類經圖翼卷七

經絡五

足太陽膀胱經穴

膀胱經穴歌

足太陽經六十三
睛明攢竹曲差叅五處承光接通

天絡却玉枕天柱透大杼風門引肺俞厥陰心膈肝

明張介賓撰

膽居脾胃三焦腎俞次大腸小腸膀胱如中膂白環
皆二行去脊中間二寸許上髂次髂中復下會陽須
向尻旁取還有附分在三行二椎三寸半相當魄戶
膏肓與神堂譙譙膈關魂門旁陽綱意舍及胃倉肓
門志室連胞肓秩邊承扶殷門穴浮却相隣是委陽
委中再下合陽去承筋承山相次長飛陽附陽達崑
崙僕參申脈過金門京骨束骨近通谷小指外側尋
至陰

睛明

一名淚孔

○在目內眥外一分宛宛中○氣府論註曰

手足太陽足陽明陰陽蹻五脈之會○刺一分半留
六呼灸三壯甲乙經曰刺六分一曰禁灸

主治目痛視不明見風淚出努肉攀睛白翳眥癢疳
眼頭痛目眩凡治雀目者可久留鍼然後速出之
席弘賦云治眼若未效并合谷光明不可缺

百證賦云兼行間可治雀目汗氣

靈光賦云治努肉

攢竹

一名始光 一名員柱
一名夜光 一名光明

在眉頭陷者中○刺一分

留六呼不宜灸甲乙經云灸三壯明堂用細三稜鍼
刺之宜泄熱氣眼目大明宜刺三分出血

主治目視眈眈淚出目眩瞳子癢眼中赤痛及腮臉
睏動不卧

玉龍賦云兼頭維治目疼頭痛

百證賦云兼三間可治目中漠漠

通玄賦云腦昏目赤寫此

曲差

一名鼻衝

在神庭旁一寸五分入髮際正頭取之○

刺二分灸三壯五壯

主治目不明頭痛鼻塞衄血衄臭涕頂巔痛身心煩熱

汗不出

五處 在曲差後五分夾上星旁一寸五分○刺三分
留七呼灸三壯甲乙經曰不可灸

主治脊強反折癰癧顛疾頭痛戴眼眩暈目視不明
承光 在五處後一寸五分水熱穴論註曰五處後一

寸甲乙經五處後二寸○刺三分禁灸

主治頭風風眩嘔吐心煩鼻塞不利目翳口喎

通天

一名天曰

在承光後一寸五分一曰橫直百會旁一

寸五分○刺三分留七呼灸三壯

主治頭旋項痛不能轉側鼻塞偏風口喎衄血頭重

耳鳴狂走瘈瘲恍惚青盲內障

千金云癭氣面腫灸五十壯

百證賦云能去鼻內無聞之苦

絡却

一名強陽
一名腦蓋

在通天後一寸五分甲乙經一寸三

分○刺三分留五呼灸三壯一曰禁刺

主治頭旋口喎鼻塞項腫癭瘤內障耳鳴

玉枕 在絡却後一寸五分甲乙經曰在絡却後七分

夾腦戶旁一寸三分起肉枕骨上入後髮際三分

按甲

乙經之數與督
脈之數不相合

○刺三分留三呼灸三壯一曰禁刺

主治目痛如脫不能遠視腦風頭項痛鼻塞無聞

千金云多汗寒熱灸五十壯刺三分

百證賦連顙會療頭風

天柱 俠項後大筋外廉髮際陷中○刺二分留六呼
灸三壯一曰刺五分禁灸

主治頭旋腦痛鼻塞淚出項強肩背痛足不任身目
瞋不欲視

百證賦云連養老治目中眊眊○又云連束骨治項
強多惡風

大杼 在項後第一椎下兩旁相去脊中各二寸陷中

正坐取之○海論曰衝脈者其輸上在於大杼○氣
穴論註曰督脈別絡手足太陽三脈之會○刺三分
留七呼灸五壯七壯一曰禁灸非有大急不可灸也
主治傷寒汗不出腰脊項背強痛不得卧喉痺煩滿
痰瘧頭痛欬嗽身熱目眩癰疾筋攣瘕瘕膝痛不
可屈伸○凡刺瘧疾脈滿大者刺此并譙譙穴出
血隨人肥瘦刺之不已刺委中風門立已

席弘賦云大杼若連長強尋小腸氣痛即行鍼

風門

一名熱府

在二椎下兩旁各去脊中二寸正坐取之

○督脈足太陽之會○熱府腧也○刺五分留七呼

灸五壯

主治傷寒頭痛項強目瞑𦦨𦦨胸中熱嘔逆上氣喘
卧不安身熱黃疸癰疽發背此穴能寫一身熱氣
常灸之永無癰疽瘡疥等患

神農經云傷風欬嗽頭痛鼻流清涕可灸十四壯及
治頭疼風眩鼻衄不止

千金云上氣短氣欬逆胸背徹痛灸百壯

肺俞 在三椎下去脊中各二寸又以手搭背左取右
右取左當中指末處是穴正坐取之千金曰肺俞對
乳引繩度之○刺三分留七呼灸三壯一云灸百壯
○素問曰刺中肺三日死

主治五勞傳尸骨蒸肺風肺痿欬嗽嘔吐上氣喘滿
虛煩口乾目眩支滿汗不出腰脊強痛背僂如龜
寒熱癭氣黃疸○此穴主寫五藏之熱與五藏俞

治同

神農經曰治欬嗽吐血唾紅骨蒸虛勞可灸十四壯
千金云治吐血唾血上氣欬逆喉痺灸隨年壯○又
氣短不語灸百壯○又治水注口中涌水出灸肺
俞及三陰交隨年壯○又癭腫上氣短氣灸百壯
○又盜汗寒熱惡寒灸隨年壯刺五分

玉龍賦云無豐隆治痰嗽

百證賦云兼天突治欬嗽連聲

乾坤生意云同陶道身柱膏肓治虛損五勞七傷緊

要法

厥陰俞 在四椎下去脊中二寸正坐取之

此穴出山
眇經甲乙

經無○刺三分灸七壯

主治欬逆牙痛心痛結胸嘔吐煩悶

千金云主胸中膈氣積聚好吐灸隨年壯

心俞 在五椎下去脊中二寸正坐取之○刺三分留

七呼○按甲乙經曰禁灸故世醫皆謂可鍼不可灸

殊不知刺中心一日死乃素問之所戒又豈可易鍼耶千金方言風中心急灸心俞百壯服續命湯又吐逆不得食者灸百壯是又當權其緩急也

主治偏風半身不隨食噎積結寒熱心氣悶亂煩滿恍惚心驚汗不出中風偃卧不得冒絕發癰悲泣嘔吐欬血發狂健忘○此穴主寫五藏之熱與五藏俞同

神農經云小兒氣不足者數歲不能語可灸五壯艾

炷如麥粒

玉龍賦云兼腎俞治腰腎虛乏之夢遺

百證賦云兼神道治風癰常發自寧

捷經云治憂噎

一傳主療心虛遺精盜汗補之

膈俞 在七椎下去脊中二寸正坐取之○為血之會

○刺三分留七呼灸三壯一云灸至百壯

主治心痛周痺膈胃寒痰暴痛心滿氣急吐食反胃